



Universitätsbibliothek Paderborn

**Tractatvs De Fiducia In Devm Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 2. Timor Dei efficit in nobis fiduciam in Deum

[urn:nbn:de:hbz:466:1-50333](#)

§. II.

Timor Dei efficit fiduciam in Deum.

Sanctissimus operum Dei encomiastes, nihil frequentius in psalmis nobis commendat, quam Timorem Domini, cuius cum tantaque vitae hujus beneficia in nobis extant, & majora promittantur in altera, ejus offensam summo studio cavere debemus. In quo tanto psalmographo utpote intimo Dei amico & consiliorum ejus interpreti fidelissimo, eandem debemus fidem & veneracionem, quam ipsis Dei verbis, qui ejus nos ore exhortatur. *Quis est homo qui timet Dominum?* canit divinus hic psaltes, anima ejus in bonu demorabitur, & semen ejus hereditabit terram. Tantis nimirum deliciis affluet in ipsis calamitatibus & miseriis, ut tribulationum omnium obliuiscatur. Ex hoc Deum offendendi timore nascitur illi firma fiducia in divinam bonitatem, ex qua velut ex fonte in exhausto ea redundat gratiarum & donorum spe atque exspectatione majorum copiavit omnis afflictionum amaritudo, divinarum dulcedine consolationum consumpta non men & naturam afflictionum perdat. E contra verò quo modo iij, qui Deum suis offendit.



dere peccatis non timent, habere possunt in Deum fiduciam, tam necessariam ad obtinē-
dam immunitatem aut levamen suorum malorum? Quo modo ijdem possunt inducere animum & frontem illi se conjungendi, quem toties suis se sceleribus irritasse meminerunt? Quomodo à munificâ ejus manu sperare bona possunt, quam contra seipsoſ gravissimè armarunt. Non est fiducia in Deū in cordibus non timentium Deum: & tan-
tum abest ut ab eo sperare bona possint, ut e-
tiam ea ipsa quæ possident certo certius per-
dituri sint omnia, & recepturi maxima æter-
naque mala, propterea quod in autorem bo-
norum omnium peccare non sunt veriti. Au-
lici Principem suum offendere timent, ne
gratiâ ejus excidant, & cum gratiâ priventur
beneficijs, cum his & suis commodis, deni-
que & felicitatis omnis & vitæ faciant jactu-
ram. Et minima quidem, quâ supremus ali-
quis Dominus vindicare potest injurias sibi
à servis suis illatas, pœna est, bonorum pub-
licatio. Quis verò existimet cœli terræque
Monarcham minus offendи peccatis nostris
quâm Magnates terræ suorum subditorum?
Aut quis putet magis timendos esse eos qui
possunt occidere corpus (quod etiam aranea
aut musca potest) an:nam autem non possunt.

*occidere. Matth. 10. quām eum qui potest & a-
nimam & corpus perdere in gehennam. Tales
S. Chrysostomus comparat pueris qui larva-
tum hominem fugiunt, ferrum autem aut igne-
m, aut morbos aut mortem non hoirent.*

§. III.

Motiva Timoris Dei.

SAtis videor dixisse in toto hoc opere de Dei magnitudine, & vilitate creaturarum ad ingenerandum animis nostris Dei timorem & rerum ceterarum contemptum. Nam quid est omnis Regum Majestas, cum confident in thronis suis & se magnificè circumspiciunt? quid est solis splendor sereno cælo? quid vis & impetus fulguris cum inclusis nubibus ignis erumpit horrifico strepitu? Nihil sunt, si comparantur infinitæ Dei majestati, immenso divinitatis lumini. & insuperabili omnipotentiae ejus magnitudini. *Iob. 11.* Ex celsior cælo est, & quid facies? profundior inferno & unde cognosces? longior terrâ mensura ejus & latior mari Si subverterit omnia vel in unum coarctaverit, quis contradicet ei; ipse enim novit hominum vanitatem & videns iniuriam nonne considerat? apiens corde eis, & forteis robore: quis restituit ei. & pacem habuit Apud ipsum est Sapientia & Fortitudo, ipse ha-

